

dawno němskich wsach podobne mjena pokazuja, přidawam z Rostokowych zapiskow hišće někotre němske a poněmske. Tak z Wjazońcy: Salzlede, Gußhübel, Hölle, Vinzhübel, Wolfzgrube; z Póckowow: Wiedwasserberg, Brummerlich, Klunfer; z Kosyrna: Kofeltafche; z Huski: Silberberg, Silberchlucht; z Wósporka: die Presse, die Bernau, die Bielau.

3. W času korektury dostach hišće dodawki „z njeswačidlskeje wosady“ wot k. dr. Pfula, z kotrehož jenož městnostne a ležownostne mjena z Njeswačidła wuzběhujú: W hłubinach, Lešawic łuža, pod Winicu, na šćežkach, w Běłkej, pola studnički, Kłobuk, khmjelnica, na šćežkach, na Bosćiju (hdžež je swječo s. Bosćija stało), Brylowka (łuka), Byča łuka, Běłki, w Róžanće, w tymješćach, Łučny hat.

4. Při wudospołnjenju zběrki městnosćowych mjenow, kotrež so tudy z wjacj dyžli 300 wsow podawaju, mjez tym zo k. dr. Muka 763 serbskich abo naněmčenyh wsow mjenuje, njech so swěru kedźbuje tež na dialektiske wosebitosće, na ludowu etymologiju (n. př. Złótnica m. swódnica, štrunca m. strónca, Włosančki = drje Wosłanički, přir. wosłon, wosłanjać atd.), a na dotal zmylně wukładowanje přez dosadźenje druhdy lěno abo hewak wopak wuprajanyh zynkow (Hnójny je wopak m. Nójny = Nowiny, Hradziny = Radziny abo Hradziny, při družcy = při tružcy atd.) Mnohe ležownostne mjena su w běhu lětstotkow jara skrótčene (z wuwzaćom nowočasných) a wujasnjeju so z mjenow druhich stron. Wšelake mjena podawaju appellativa, kotrež su pola nas woteznate, ale pola druhich Słowjanow hišće žiwe. Z nich wujasnjuje so džěl tych wjesnych pomjenowanjow, kotrež njejsu patronymika na -icy abo -owicy = ojce & -ejce (po delnjoserbsku), = naše -ocy (někotre: Jiłocy, Rabocy atd.) & nětčiše -ecy.

5. Česćeny zběraćel k. wučer emer. Rostok sam pilnje dale zběra a tudy podate wudospołnja. Tola prošu tež druhich zdžěłanych Serbow, wosebje młodyh, zo bychu we wšěch jim přistupnych a znatých wsach dodawki a porjedženki jemu abo mi za Časopis podawali. Swój mały kraj dyrbimy do drobna znać a wopisać, pomniki swojeje serbskeje řeče dyrbimy wšitke zhromažzić, w małym dyrbimy swěrnj a přikładni być a wostać!

